



## O'ZBEKISTON RESPUBLIKASI NAVOIY VILOYATI HOKIMINING QARORI

Navoiysh., IslomKarimovsh.k 77 A

2021 - yil 30 - noyabr

81-5-0-Q/21

Navoiy viloyat hokimligi

**Ўзбекистон Республикаси Президентининг 2021 йил 23 ноябрдаги “Мева-сабзавотчилик ва узумчиликда оилавий тадбиркорликни ривожлантириш, қишлоқ хўжалиги ишлаб чиқаришида дехқон хўжаликларининг улушкини ошириш чора-тадбирлари тўғрисида”ги ПҚ-20-сон қарори ижросини таъминлаш тўғрисида**

Вилоятда аҳолининг даромад топишга қаратилган тадбиркорлик ташаббусларини молиявий қўллаб-қувватлаш, аҳолига аграр тармоқда ўз бизнесини ташкил этишга кўмаклашиш, қишлоқ хўжалиги маҳсулотларини етиштиришда дехқон хўжаликларининг улушкини ошириш ва қишлоқ хўжалигини диверсификациялаш орқали озиқ-овқат хавфсизлигини таъминлаш мақсадида

### ҚАРОР ҚИЛАМАН:

1. Ўзбекистон Республикаси Президентининг 2021 йил 23 ноябрдаги “Мева-сабзавотчилик ва узумчиликда оилавий тадбиркорликни ривожлантириш, қишлоқ хўжалиги ишлаб чиқаришида дехқон хўжаликларининг улушкини ошириш чора-тадбирлари тўғрисида”ги ПҚ-20-сон қарори ижро учун қабул қилинсин.

2. Ўзбекистон Республикаси Президентининг ушбу қарори билан куйидагилар:

а) Вазирлар Маҳкамаси, Иқтисодий тараққиёт ва камбағалликни қисқартириш вазирлиги, Қишлоқ хўжалиги вазирлиги, Қорақалпоғистон Республикаси Вазирлар Кенгаши ва вилоятлар ҳокимларининг:

Қорақалпоғистон Республикаси ва вилоятларда фермер хўжаликлари ва кластерлар фойдаланишидаги паст ҳосилли пахта ва ғалладан қисқартирилган 200 минг гектар экин майдонларини 2022-2025 йилларда босқичма-босқич захирага қайтариш;

захирага қайтарилиган ер майдонларини деҳқон хўжалиги ташкил этган ҳолда сабзавотчилик, полиз, дуккакли, мойли экинлар, картошка етиштириш каби лойиҳаларни амалга ошириш учун фуқароларга 0,10 гектардан 1 гектаргача бўлган ўлчамларда очик электрон танлов орқали 10 йилга ижарага бериш тўғрисидаги таклифлари қабул қилинганлиги;

б) қишлоқ хўжалиги мақсадлари, шу жумладан деҳқон хўжалиги юритиш учун ер участкаларини ижарага бериш бўйича материалларни тўплаш, кўриб чиқиш, уларни ваколатли органлар ва ташкилотлар билан келишиш “Е-ИЖАРА” ахборот тизими орқали амалга оширилиши;

декон хўжалиги юритиш учун ер участкаларини очик электрон танлов орқали ижарага беришда ўз томорқасида мева-сабзавотчилик, полиз маҳсулотларини етиштириш ва узумчиликда яхши натижаларга эришган, ушбу соҳалардан бирида таянч мутахассисликка эга бўлган фуқароларга, “Темир дафтар”, “Аёллар дафтари” ва “Ёшлар дафтари”да рўйхатда турган эҳтиёжманд оиласларга алоҳида устуворлик берилиши белгилаб қўйилганлиги маълумот учун қабул қилинсин.

3. Вилоят туманларида фермер хўжаликлари ва кластерлар фойдаланишидаги паст ҳосилли пахта ва ғалла экинларидан қисқартирилган ерлар ҳисобидан фуқароларга 0,25 гектардан 1 гектаргача бўлган ўлчамда очик электрон танлов орқали ижара хуқуки асосида бериладиган ер майдонларининг ҳажмлари **1-иловага** мувофиқ тасдиқлансан.

4. Вилоят ҳокимининг ўринбосари (С.Истамов), туман (шаҳар)лар ҳокимлари вилоят қишлоқ хўжалиги бошқармаси (Ж.Болиев) ва Кадастр агентлиги вилоят бошқармаси (Д.Нишонов) билан биргаликда:

2021 йил 31 декабрга қадар туман (шаҳар)лар ҳисобидаги бўш турган ва захирадаги қишлоқ хўжалигига мўлжалланган ер участкаларининг давлат мулки сифатида давлат рўйхатидан ўтказилишини;

мазкур қарорга **1-иловада** кўрсатилган ер майдонлари тегишли йилдаги ҳосил йиғиб олингандан кейин туман (шаҳар) ҳокимликларининг захирасига белгиланган тартибда қайтарилишини ва давлат мулки сифатида давлат рўйхатидан ўтказилишини;

захирага олинган ер участкаларини давлат мулки сифатида давлат рўйхатидан ўтказиш ишлари туман (шаҳар) ҳокимликлари буюртмасига асосан амалга оширилишини ҳамда туман (шаҳар) маҳаллий бюджет маблағлари ҳисобидан молиялаштирилишини;

давлат мулки сифатида давлат рўйхатидан ўтказилган ер майдонларининг 0,10 гектардан 1,0 гектаргача бўлган ҳажмларда лотларга ажратилиб, бир ой ичида очик электрон танловга қўйилишини;

ер тўғрисидаги қонунчилик ва ижара шартномаси талаблари, жумладан, ижарага берилган ер участкасидан оқилона фойдаланилмагандан ерга бўлган ҳуқуқ Ер кодекси ва “Деҳқон хўжалиги тўғрисида”ги Қонунга асосан бекор қилиниши ҳақида деҳқон хўжаликлари орасида тушунтириш ишлари олиб борилишини таъминласин.

Мазкур топшириқ ижросини ўз вақтида таъминламаган туман (шаҳар) ҳокимлари қонунчиликда белгиланган тартибда жавобгарликка тортилиши мумкинлиги тўғрисида огохлантирилсин.

5. Вилоят ҳокимининг ўринбосари (С.Истамов), қишлоқ хўжалиги бошқармаси (Ж.Болиев), туман (шаҳар)лар ҳокимлари:

ер участкалари ажратилган деҳқон хўжаликлари томонидан боғ ва экинларнинг ўз муддатида экилиши ва парвариш қилинишига кўмаклашиш бўйича ишларни манзилли ташкил этсин;

ажратилган ер майдонларининг тупроқ шароити, ер балл бонитети, сув билан таъминланганлик даражаси, худуд аҳолисининг тажрибасидан келиб чиқсан ҳолда “Бир худуд – бир маҳсулот” тамойили асосида маҳсулот этиштиришга асосий эътибор қаратсин;

ер майдонларида зарур агротехник тадбирларни бажариш, ўғит ва сув билан таъминлаш, инфратузилма обьектларини яратиш учун зарур шартшароитларни яратсин;

Ўсимликлар карантини ва ҳимояси агентлиги вилоят бошқармаси (М.Санақулов) билан биргаликда ер майдонларида зааркунандалар ҳамда касалликлар тарқалишининг олдини олиш мақсадида тизимли кузатувларни ташкил этиб, деҳқон хўжаликларига боғ ва экинларни ҳимоя қилиш ишларини ўз вақтида бажаришда амалий ёрдам кўрсатсин;

деҳқон хўжаликлари билан агросаноат кластерлари, тайёрлов, қайта ишлаш ва экспорт қилувчи корхоналар (кейинги ўринларда – тадбиркорлик

субъектлари) ўртасида кооперация алоқаларини ташкил этишга алоҳида эътибор қаратсин;

дехқон хўжаликлари ва улар билан кооперация асосида иш ташкил этган тадбиркорлик субъектлари ўртасида уруғлик, кўчкат, минерал ўғит ва кимёвий воситалар етказиб бериш, зарурий агротехник хизматлар кўрсатиш ишларини ташкил этишда шартномавий муносабатларни ривожлантиришга кўмаклашсин;

қишлоқ хўжалиги маҳсулотларини йиғиш, ташиш, сақлаш, қайта ишлаш ва сотишнинг барча босқичларини қамраб олган кичик агрологистика марказлари фаолиятини йўлга қўйиш чораларини кўрсин.

6. Вилоят давлат солиқ бошқармаси (А.Ботиралиев), бандлик бош бошқармаси (Э.Авезов) янги жорий этилаётган ҳоким ёрдамчилари билан бирга мазкур қарор доирасида ажратилган ер участкалари, кредит ресурслари ҳисобига доимий ва барқарор даромад манбаига эга бўлган фуқароларга қонунчиликда белгиланган тартибда ўзини ўзи банд қилган шахс сифатида рўйхатдан ўтишларига кўмаклашсин.

7. Вилоят қишлоқ хўжалиги бошқармаси (Ж.Болиев) фавқулодда вазиятлар бошқармаси (Б.Пулатов) билан биргаликда ҳудудларга чиқкан ҳолда дехқон хўжаликларига ажратилаётган ерларга табиий ва техноген офатларнинг эҳтимолий таъсирларини аниқлаш ҳамда ушбу таъсирларни юмшатиш юзасидан фавқулодда харакатлар режасини ишлаб чиқиб тасдиқласин ҳамда фавқулодда ҳолатларда экинларни ҳимоя қилиш чораларини кўрсин.

8. Вилоят инвестициялар ва ташқи савдо бошқармаси (Э.Гаффоров), вилоят қишлоқ хўжалиги бошқармаси (Ж.Болиев):

ички ва ташқи бозорларни доимий равища ўрганиб борган ҳолда барқарор талабга эга бўлган маҳсулотларнинг рўйхати ва ҳажми юзасидан маълумотлар базасини шакллантириш, ҳар ойда янгилаб бориш ҳамда ушбу маълумотларни оммавий ахборот воситалари ва Интернет тармоғидан кенг фойдаланган ҳолда аҳолига мунтазам равища етказиб бориш бўйича тегишли ишларни амалга оширсин;

худудларда дехқон хўжаликлари томонидан ўзи этиштирган маҳсулотини қайта ишлаш истагида бўлган оилаларга харидоргир маҳсулотлар ишлаб чиқариш учун замонавий мини-технология ва бошқа ускуналарнинг тақдимотларини ўtkазиш ва сотиб олишга кўмаклашиш бўйича аниқ чоратадбирларни амалга оширсин.

9. Мазкур қарор ижросини назорат қилиш вилоят ҳокимининг ўринбосари С.Истамов, вилоят қишлоқ хўжалиги бошқармаси бошлиғи Ж.Болиев, шаҳарлар ва туманлар ҳокимлари зиммасига юклансин.

**Вилоят ҳокими в.б.**



**Н.Турсунов**

Навоий вилоят ҳокимининг  
2021 йил 30 ноябрдаги  
81-5-0-Q/21-сон қарорига  
1-илова

**Вилоят туманларида фермер хўжаликлари ва кластерлар  
фойдаланишидаги паст ҳосилли пахта ва ғалла экинларидан  
қисқартирилган ерлар ҳисобидан фуқароларга 0,25 гектардан 1  
гектаргача бўлган ўлчамда очик электрон танлов орқали ижара  
хукуқи асосида бериладиган ер майдонларининг ҳажмлари**

T/p	Туманлар номи	Жами ер майдони, гектар	шундан, 2022-2025 йилларда			
			2022 йилда	2023 йилда	2024 йилда	2025 йилда
1.	Кармана	2 325	930	607	453	335
2.	Конимех	1 997	799	522	389	287
3.	Навбаҳор	5 312	2125	1387	1036	764
4.	Нурота	1 924	770	503	375	277
5.	Хатирчи	4 441	1776	1160	866	639
6.	Қизилтепа	3 561	1424	930	694	513
<b>Жами</b>		<b>19 560</b>	<b>7823</b>	<b>5109</b>	<b>3814</b>	<b>2814</b>